

prietates præ alio melius callere sibi videtur.

*Quomodo Medicum oporteat procedere in eiusmodi casibus?*

II. In eiusmodi Casibus Medicum oportet cautum & studiösüm se præbere, ne hinc conscientiam suam, & famam, inde Ægri valetudinem aut vitam ipsam prostituat, vel periculo summo exponat. Itaque primò attendendum venit, *An symptoma incidens cum, aut sine malignitate existat? An externam ab Ægro admissam causam agnoscat? Vel tantum à motu Thermalium Aquarum in corpore oriatur?* Si quidem multoties accidit, Materiam peccantem in Ægro eam dispositionem qualitatis & quantitatis obtinere, ut non tam facile ad excretionem promoveri queat, ideoque per Orgasmm sanguinis huc illuc propellatur, & modo hoc, modo aliud symptoma molestum producat. Quapropter ea methodus amplectenda, ut quodlibet Symptoma pro exigentia circumstantiarum peritè tractetur.

*Propter Symptomata in cidentia non statim curam esse abrumpendam?*

III. Non quodlibet Symptoma potationi superveniens tam periculosum est, ac subinde videtur, neque ideo confestim Æger ex Thermis ablegandus venit, quoniam inter usum illarum Natura varios motus criticos obit, quos si prudenter adjuveris, Ægro salutem, sin turbaveris vel oppresseris, perniciem ipsi creabunt. Quemadmodum hujus rei veritatem non pauci suo damno sunt experti, alii cum valetudinis majore detrimento, alii etiam cum vitæ ipsius dispendio, ut exemplis an-

nua.